

CONVOCATORIA DE SETE CONTRATOS A TEMPO PARCIAL DIRIXIDA A ALUMNOS DE MÁSTER NO CIQUS

O Centro de Investigación en Química Biológica e Materiais Moleculares (CIQUS) oferta sete contratos a tempo parcial para o desenvolvemento de tarefas de iniciación a investigación en liñas de traballo cooperativas ou de interese estratéxico para o CIQUS. A oferta está especificamente dirixida e limitada a alumnos de máster que estean a desenvolver o seu traballo fin de máster baixo a dirección dun profesor ou profesora adscrito/a ao CIQUS.

OBXECTIVOS

De acordo cos obxectivos e coas liñas de acción aprobadas no **Plan Estratéxico 2011-2014 do CIQUS**, a presente convocatoria de contratos pretende:

- Incentivar e captar recursos humanos para o desenvolvemento de liñas de investigación cooperativa de interese para o centro (*estratexia 5.b*)
- Incentivar o desenvolvemento de liñas de investigación prioritarias e de alto impacto (*estratexia 1.a*)
- Contribuír á atracción de estudantes de posgrao de alto nivel (*estratexia 2.a*)

CARACTERÍSTICAS

- Contratos a tempo parcial (15 h/semana) compatibles co desenvolvemento do programa formativo que estean a cursar as persoas contratadas.
- Cada un dos contratos levará asociada unha retribución económica de 600 euros/mes (brutos).
- Os contratos terán unha duración de **nove meses** a contar desde a data de inicio, que será anterior ao 31 de xaneiro de 2014.
- O traballo a realizar polos contratados centrarase no desenvolvemento de tarefas de iniciación á investigación, preferentemente en liñas de traballo cooperativas ou de interese estratéxico para o CIQUS. As funcións específicas de cada un dos contratos serán as asociadas á liña de investigación correspondente e poderán incluír a síntese, illamento, caracterización e/ou estudo (experimental ou teórico) de compostos ou procesos químicos, biomoléculas ou materiais.

NÚMERO DE CONTRATOS

7 Contratos vinculados á actividade *Colaboración entre a Consellería de Cultura, Educación e Ordenación Universitaria para o financiamento de centros de investigación - CIQUS* (Ref. 2013-AD010, IP responsable: Dolores Pérez Meirás).

REQUISITOS DOS CANDIDATOS

Académicos:

- Licenciatura ou Grao en Química, Farmacia, Bioloxía ou equivalente.
- Estar matriculado nos estudos de Máster oficial na USC no curso 2013/2014, e ter asignado o Traballo Fin de Máster baixo a dirección dun profesor adscrito ao CIQUS.

Outros (para a formalización dos contratos):

- Ser español ou nacional dalgún dos demais estados membros da Unión Europea ou nacional dalgún estado, ao que, en virtude de tratados internacionais celebrados pola Unión Europea e ratificados por España, lles sexa de aplicación a libre circulación de traballadores
- Os estranxeiros que non estando incluídos no parágrafos anteriores se atopen con residencia legal en España.

SOLICITUDES

Mediante instancia dirixida á Directora do CIQUS e presentada na Secretaría do centro antes das 14 h do venres 10 de xaneiro de 2014 . Xunto á instancia, os solicitantes achegarán a documentación indicada no parágrafo seguinte.

DOCUMENTACIÓN A PRESENTAR

- Fotocopia simple da certificación académica na que consten as cualificacións obtidas nos seus estudos e a cualificación media (escala 0-10). As certificacións dos estudos realizados no estranxeiro deberán presentarse coas correspondentes traducións oficiais ao español ou galego.
- Fotocopia simple do xustificante de matrícula no Máster no curso 2013/2014.
- Acreditación do traballo fin de máster que o solicitante ten asignado, con indicación do(s) seu(s) director(es), e copia do correspondente proxecto.
- Fotocopia simple da documentación xustificativa dos méritos alegados.

SELECCIÓN DOS CANDIDATOS

- A Prof. Dolores Pérez Meirás, Directora do CIQUS e investigadora principal da actividade Ref. 2013-AD010 á que se vincularán os contratos, será a responsable de formular as propostas de contratación, tras un proceso de análise das solicitudes e de selección dos candidatos. No proceso de selección contará co asesoramento do Técnico de Promoción de I+D de CIQUS e dos profesores que forman parte da comisión de seguimento do Plan Estratéxico do centro.
- Os méritos que se valorarán como criterios de selección serán os seguintes:
 - o Expediente académico: ata 4 puntos
 - o Outros méritos de investigación (artigos, etc.): ata 0,5 puntos
 - o Os solicitantes con proxectos de máster asociados a liñas de investigación cooperativas ou de interese estratéxico para o CIQUS recibirán unha puntuación adicional de ata 0,5 puntos

En Santiago, a 18 de decembro de 2013

A DIRECTORA DO CIQUS



Asdo.: Mª Dolores Pérez Meirás